

Terma Reference

Thirrje për ekspert për hartimin e modulit dhe zhvillimin e trajnimit për ngritjen e kujdesit alternativ profesional dhe monitorimin e kinship-care me profesionistët e shërbimeve sociale në Bashkinë Korçë

Konsulencë	Thirrje për ekspert për hartimin e modulit dhe zhvillimin e trajnimit për ngritjen e kujdesit alternativ profesional dhe monitorimin e kinship-care me profesionistët e shërbimeve sociale në Bashkinë Korçë
Kohëzgjatja e shërbimit	Qershor 2025-Korrik 2025
Zona e projektit	Bashkia Korçë
Data e mundshme e fillimit të punës	6 Qershor 2025

Nisma për Ndryshim Shoqëror ARSIS kërkon të kontrakttojë një ekspert, për të zhvilluar një modul trajnimi mbi ngritjen e kujdesit alternativ profesional dhe monitorimin e kujdesit alternativ me lidhje gjaku. Ky modul do të përdoret për trajnimin e profesionistëve ofrues të shërbimeve sociale për fëmijët pa kujdes prindëror, në Bashkinë Korçë, në kuadër të programit Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania.

Ekspertiza do të ofrohet në mbështetje të Bashkisë Korçë, Drejtorisë së Kujdesit Social, Shërbimeve Mbështetëse për Fëmijën dhe Familjen dhe Nisma ARSIS, me synim forcimin e kapaciteteve profesionale të ofruesve të shërbimeve sociale në nivel vendor për të garantuar ofrimin e kujdesit alternativ cilësor për fëmijët pa kujdes prindëror.

Rreth Nisma për Ndryshim Shoqëror ARSIS

Nisma për Ndryshim Shoqëror ARSIS (shkurtimisht NISMA ARSIS) është një organizatë jofitimprurëse, e cila është themeluar në shkurt të vitit 2016. NISMA ARSIS është një aktor jo qeveritar me influencë në sektorin e shoqërisë civile në Shqipëri.

Mision i NISMA ARSIS është angazhimi për avancimin e të drejtave të fëmijëve, të rinjve dhe familjarëve të tyre që përballen me vulnerabilitet, duke ofruar shërbime gjithëpërfshirëse dhe duke lehtësuar integrimin me dinjtet të tyre në shoqëri. NISMA ARSIS advokon dhe lobon në nivel lokal dhe qendror mbi çështjet e mbrojtjes së fëmijëve dhe të rinjve, zhvillimit dhe pjesëmarrjes, përmirësimit të kushteve social-ekonomike të familjeve të tyre dhe fuqizimit të kapaciteteve të shërbim ofruesve, organizatave jofitimprurëse, profesionistëve dhe aktorëve të tjerë të cilët punojnë me fëmijët në situatë vulnerabël.

Përshkrimi i Projektit

Projekti po zbatohet në Bashkinë Korçë “Forcimi i krijimit dhe ofrimit të shërbimeve të kujdesit social për të mbrojtur fëmijët dhe komunitetet vulnerabël në Bashkinë e Korçës dhe Durrësit” në kuadër të programit Bashkimi Evropian për Kujdesin Social (EU4SocialCare) i financuar nga BE dhe i zbatuar nga UNICEF Albania dhe World Vision Albania. Metodologjia e propozuar bazohet në parimet e Konventës për të Drejtat e Fëmijës (CRC), standardeve ndërkombëtare të kujdesit alternativ për fëmijët dhe prioritetet kombëtare, duke përfshirë programin e Qeverisë së Shqipërisë, i cili synon të avancojë

një sistem të mbrojtjes sociale gjithëpërfshirës dhe të përgjegjshëm për të mbështetur individët gjatë gjithë ciklit të jetës. Ajo përdor një model socio-ekologjik që vendos fëmijën në qendër të të gjitha ndërhyrjeve, i rrethuar nga katër shtresa kryesore: kujdestarët/familja, komuniteti, kultura dhe shoqëria, si dhe mjedisi më i gjerë/politikat.

Në bashkinë Korçë, Qasja përqendrohet në krijimin e një modeli të plotë dhe multidisiplinor të shërbimeve, i cili ka në prioritet integrimin e kujdesit dhe mbrojtjes sociale, me fokus në përfitimet për fëmijët, mbështetjen familjare dhe përmirësimin e cilësisë dhe aksesit të shërbimeve të kujdesit. Nevojat e menjëhershme dhe afatgjata të fëmijëve adresohen përmes planeve të mbështetjes individuale dhe menaxhimit të integruar të rasteve. Këto përfshijnë këshillimin, terapinë dhe ndihmën psikosociale për të forcuar qëndrueshmërinë emocionale, së bashku me mbështetje të personalizuar arsimore dhe aktivitete të përfshirjes në komunitet. Qëllimi është të sigurohet që çdo fëmijë të zhvillohet në një mjedis të kujdesshëm që ka në prioritet mirëqenien, zhvillimin dhe ndjeshmërinë e tij/saj ndaj çështjeve gjinore. Projekti fuqizon kujdestarët, duke përfshirë familjet biologjike, ofruesit e kujdestarisë alternative dhe stafin institucional, me njohuritë dhe aftësitë e nevojshme për të ofruar kujdes cilësor.

Nën mbështetjen dhe bashkëpunimin me ekipin koordinues të programit, ***Eksperti do të angazohet për të:***

- ***Hartuar një kurrikulë trajnimi për ngritjen e kujdesit alternativ profesional dhe për monitorimin e kujdesit alternativ me lidhje gjaku (nga të afërmit);***
- ***Zhvilluar dhe lehtësuar një trajnim 3-ditor për profesionistët që punojnë në fushën e mbrojtjes së fëmijëve.***

Detyrat dhe përgjegjësitw:

a. Hartimin e kurrikulës

- Analizimin e dokumenteve ligjore dhe udhëzimeve përkatëse për kujdesin alternativ dhe kinship care;
- Hartimin e strukturës së kurrikulës që mbulon:
- Parimet e kujdesit alternativ profesional (bazuar në Standartet Kombëtare dhe udhëzimet ndërkombëtare);
Përgjegjësitë e institucioneve publike dhe ofruesve të kujdesit;
Procesin e vendimmarrjes për vendosjen në kujdes alternativ;
Vlerësimin, ndjekjen dhe monitorimin e rasteve të kinship care;
- Përshtatjen e përmbajtjes për përdorim në trajnim.

b. Zhvillimin e trajnimit 3-ditor

- Përgatitjen e axhendës ditore të trajnimit dhe metodologjisë- guidws sw trajnimit (praktika ndërvepruese, raste studimore, role play, etj.);
- Hartimin e materialeve të trajnimit (prezantime, fletë pune, udhëzues për lehtësuesit);
- Lehtësimin e trajnimit 3-ditor me pjesëmarrës të përzgjedhur nga njësitë vendore dhe organizatat partnere;
- -Hartimin e një raportit mbi trajnimin, vlerësimet dhe rekomandimet për hapat në vijim.

Materialet që duhet të dorëzojë eksperti

- Kurrikulë e plotë për trajnimin mbi kujdesin alternativ dhe monitorimin e kinship care;
- Paketë e plotë trajnimi (axhendë, prezantime, ushtrime praktike, fletë pune, pre dhe post teste);

- Raport përmblledhës i trajnimit me analiza të vlerësimeve nga pjesëmarrësit.

Koha e mundshme e fillimit të punës është 5 Qershor 2025.

Kohëzgjatja e ofrimit të shërbimit është përgjatë periudhës qershor 2025- korrik 2025.

Kjo ekspertizë përfshin:

- **Hartim kurrikule dhe raportim - 5 ditë**
- **Zhvillim trajnimi - 3 ditë.**

Kualifikimet:

- Diplomë universitare në Shkencat Sociale (psikologji, punë sociale, edukim, shkenca sociale ose fusha të ngjashme)
- Kualifikime që lidhen me çështje të mbrojtjes së të drejtave të fëmijëve, kujdesit alternativ, deinstitutionalizimit, shërbimeve dhe mbrojtjes sociale;

Eksperienca:

- Të ketë experience pune mbi 10 vjet përvojë pune në fushën e mbrojtjes së fëmijëve, shërbimeve sociale dhe deinstitutionalizimit;
- Eksperienca të mëparshme në hartimin e kurrikulave dhe lehtësimin e trajnimeve për profesionistë;
- Përvoja të mëparshme në organizata partnere të shoqërisë civile (preferohet);
- Të jetë njohës shumë i mirë i paketës ligjore për politikën e mbrojtjes së fëmijëve;
- Aftësi të shkëlqyera komunikimi, prezantimi dhe ndërveprimi me grupe të ndryshme si dhe të menaxhimit të situatave
- Aftësi për të përshtatur materialet sipas grupit të synuar dhe kontekstit lokal.
- Të kuptojë dhe të dakortësojë me misionin dhe qëllimin e Nisma ARSIS
- Aftësi shumë të mira në arritjen e afateve, pwr të punuar në presion kohe, në punë në grup dhe në mënyrë të pavarur

Politikat e Mbrojtjes së Fëmijëve: Të gjithë personat që punojnë me programet e Nisma ARSIS janë të detyruar të respektojnë politikën e mbrojtjes së fëmijëve, politikën e mbrojtjes nga abuzimi dhe shfrytëzimi seksual, rregulloren e brendshme të Nisma ARSIS, kodin e sjelljes, Legjislacionin e plotë për Mbrojtjen e Fëmijëve si dhe çdo dokument tjetër për të cilin duhet të ketë dijeni.

Procedura e aplikimit:

Aplikantët e interesuar për të aplikuar për këtë thirrje duhet të dërgojnë me email:

1. CV-në;
2. Letër interesi;
3. Letër angazhimi/disponueshmërie;
4. Ofertën financiare.

brenda dates **02 qershor 2025** në info@nisma-arsis.org , në përgjigje të ftesës së dërguar me email.